

Propter fratres meos et amicos meos : loquar pacem tibi.

Propter domum Domini Dei nostri, quaeram bona tibi.

SALMO CXXII.

Ad te levavi oculos meos, qui habitas in caelis. Ecce sicut oculi servorum ad manum dominorum suorum :

Sicut oculi ancillae ad manum dominae suae, sic oculi nostri ad Dominum Deum nostrum, donec misereatur nostri.

Miserere nostri Domine, miserere nostri : quia multum repleti sumus despectione.

Multum repleta est anima nostra opprobrio abundantium, et despectione superbiorum.

SALMO CXXIII.

Nisi Dominus fuisset in nobis : dicat nunc Israël.

Nisi Dominus fuisset in nobis : quum exurgerent super nos homines.

Forsitan vivos absorbuissent nos : quum irasceretur furor eorum super nos.

Forsitan aquae circumdedissent nos : torrens transisset super animam nostram.

Forsitan transissent super animam nostram, aquae superbiae.

Benedictus Dominus : qui non dedit nos in praedam dentibus eorum.

Anima nostra quasi avis erepta est de laqueo venantium :

Laqueus contritus est, et nos liberati sumus.

Auxilium nostrum in nomine Domini : qui fecit caelum et terram.

SALMO CXXIV.

Qui confidunt in Domino, quasi mons Sion, immobilis, in aeternum habitabilis.

Jerusalem montes in circuitu ejus, et Dominus in circuitu populi sui : amodo et usque in aeternum.

Quia non requiescet virga impietatis super

sortem justorum, ut non mittant justi in iniquitatem manus suas.

Benefac Domine bonis, et rectis corde.

Qui autem declinant ad pravitates suas, deducet eos Dominus eum his qui operantur iniquitatem : pax super Israël.

SALMO CXXV.

Quum converteret Dominus captivitatem Sion : facti sumus quasi somniantes.

Tunc implebitur risu os nostrum, et lingua nostra laude :

Tunc dicent in gentibus : magnificavit Dominus tacere cum istis.

Magnificavit Dominus facere nobiscum : facti sumus sicut laetantes.

Converte Domine captivitatem nostram : sicut rivus in austro.

Qui seminant in lacrymis, in exultatione metent.

Qui ambulans ibat et flebat, portans ad seminandum sementem :

Veniens veniet in exultatione, portans manipulos suos.

SALMO CXXVI.

Nisi Dominus aedificaverit domum, in vanum laboraverunt qui aedificant eam.

Nisi Dominus custodierit civitatem, frustra vigilat qui custodit eam.

Frustra vobis est de mane surgere : postquam sederitis, qui manducatis panem dolorum : sic dabit diligentibus se somnum.

Ecce hereditas Domini, filii : merces, fructus ventris.

Sicut sagittae in manu potentis : ita filii juvenutis.

Beatus vir qui implevit pharetram suam ex ipsis : non confundentur, quum loquentur inimicis suis in porta.

1 converterit — 2 erimus — 3 rivus

SALMO CXXXVII.

Beatus omnis qui timet Dominum : qui ambulat in viis ejus.

Laborem¹ manuum tuarum quum comederis, beatus tu, et bene tibi erit.

Uxor tua sicut vitis fructifera in penetralibus domus tuae :

Filii tui sicut germina olivarum, in circuitu mensae tuae.

Ecce sic benedicetur viro² qui timet Dominum.

Benedicat tibi Dominus ex Sion : et videas bona Jerusalem omnibus diebus vitae tuae.

Et videas filios filiorum tuorum : pacem super Israël.

SALMO CXXXVIII.

Saepe expugnaverunt me ab adolescentia mea : dicat nunc Israël.

Saepe expugnaverunt me ab adolescentia mea : sed non potuerunt mihi.

Supra cervicem meam arabant arantes : prolongaverunt sulcum suum.

Dominus justus concidet laqueos impiorum.

Confundantur et revertantur retrorsum, omnes qui oderunt Sion.

Fiant sicut fenum tectorum, quod statim ut viruerit, arescit.

De quo non implebit manum suam messor, et sinum suum manipulos faciens.

De quo non dixerunt transeuntes, benedictio Domini super vos : benediximus vobis in nomine Domini.

SALMO CXXXIX.

De profundis clamavi ad te Domine : Domine exaudi vocem meam :

Fiant aures tuae intendentes, ad vocem deprecationis meae.

Si iniquitates observabis Domine, Domine quis sustinebit ?

Quia tecum est propitiatio : quum terribilis sis.

Sustinuit Dominum, sustinuit anima mea :

et verbum ejus expectavi : anima mea ad Dominum :

A vigilia matutina usque ad vigiliam matutinam, expectet Israël Dominum :

Quia apud Dominum misericordia, et multa apud eum redemptio.

Et ipse redimet Israël, ex omnibus iniquitatibus ejus.

SALMO CXXX.

Domine non est exaltatum cor meum, neque elati sunt oculi mei,

Et non ambulavi in magnis, et mirabilibus super me.

Si non proposui, etsilere feci animam meam.

Sicut ablactatus super matrem suam : ita ablactetur super me anima mea.

Exspecta Israël Dominum : amodo et usque in aeternum.

SALMO CXXXI.

Memento Domine David, et omnis afflictionis ejus.

Qui juravit Domino, votum vovit⁶ Deo Jacob.

Si intravero in tabernaculum domus meae, si⁷ sedero super lectum⁸ straminis mei.

Si dederero somnum oculis meis, et palpebris meis dormitationem.

Donec inveniam locum Domino : tabernacula⁹ Deo Jacob.

Ecce audivimus illum in Ephrata : invenimus illum in regione saltus.

Intremus in tabernacula ejus : adoremus scabellum pedum ejus.

Surge Domine in requiem tuam, tu et arca fortitudinis tuae.

1 palmarum — 2 timent — 3 vide — 4 pax — 5 saeculum — 6 potenti — 7 ascendero — 8 stratis — 9 potenti

Sacerdotes tui induantur justitiâ, et ¹ sancti tui laudent.

Propter David servum tuum, ne avertas faciem Christi tui.

Juravit Dominus David veritatem, non avertetur ab ea:

De fructu ventris tui, ponam super ² sedem tuam.

Si custodierint filii tui pactum meum, et testificationem meam quam docuero eos:

Et filii eorum usque in æternum, sedebunt super thronum tuum.

Quoniam elegit Dominus Sion: desideravit eam in habitaculum ³ suum.

Hæc est requies mea in sempiternum: hic habitabo, quia desideravi eam.

Venationem ejus benedicens: benedicam: pauperes ejus saturabo pane.

Sacerdotes ejus induam salutari, et ⁴ sancti ejus laude laudabunt.

Ibi oriri faciam cornu David: paravi lucernam Christo meo.

Inimicos ejus induam confusione: super ipsum autem florebit ⁵ diadema ejus.

SALMO CXXXII.

Ecce quàm bonum et quàm decorum, habitare fratres in unum.

Sicut unguentum optimum in capite, quod descendit in barbam barbam Aaron: quod descendit super oram vestimentorum ejus.

Sicut ros Hermon, qui descendit super ⁶ montana Sion:

Quoniam ibi mandavit Dominus benedictionem, vitam usque in ⁷ æternum.

SALMO CXXXIII.

Ecce benedicite Domino, omnes servi Domini: qui statis in domo Domini in noctibus.

Levate manus vestras ⁸ ad sanctum, et benedicite Dominum.

Benedicat tibi Dominus ex Sion factor cœli et terræ.

SALMO CXXXIV.

Laudate nomen Domini: laudate servi Domini.

Qui statis in domo Domini: in atrijs domus Dei nostri.

Laudate Dominum, quoniam bonus Dominus: ⁹ cantate nomini ejus, quoniam decens.

Quia Jacob elegit sibi Dominus: Israël in peculium suum.

Quia ego scio quòd magnus Dominus, et ¹⁰ Dominus noster præ omnibus diis.

Omnia quæ voluit Dominus fecit in cœlo, et in terra: in mari et in cunctis abyssis.

Levans nubes de summitatibus terræ, fulgura in pluviam fecit: educens ¹¹ ventos de thesauris suis.

Qui percussit primitiva Ægypti: ab homine usque ad ¹² pecus.

Misit signa et portenta in medio tui Ægypte: in Pharaon, et in cunctos servos ejus.

Qui percussit gentes multas, et occidit reges fortes.

Seon regem Amorraeorum: et Og regem Basan, et omnia regna Chanaan.

Et dedit terram eorum hereditatem: hereditatem Israël populo suo.

Domine nomen tuum in ¹³ æternum: Domine memoriale tuum in generatione et generatione.

Quia judicabit Dominus populum suum, et in servos suos erit placabilis.

Idola gentium argentum et aurum: opera manuum hominum.

Os habent, et non loquentur: oculos habent, et non videbunt.

Aures habent, et non audient: sed nec est spiritus in ore eorum.

Similes illis fiant qui faciunt ea, et omnis qui confidit in eis.

Domus Israël benedicite Domino: domus Aaron benedicite Domino.

Domus Levi benedicite Domino: timentes Dominum benedicite Domino.

Benedictus Dominus ex Sion, qui habitat in Jerusalem. Alleluja.

¹ misericordes te — ² thronum tuum. — ³ sibi — ⁴ misericordes — ⁵ sanctificatio — ⁶ montes — ⁷ sæculum — ⁸ sanctè — ⁹ psallite — ¹⁰ dominator — ¹¹ ventum — ¹² quadrupedem — ¹³ sæculum

SALMO CXXXV.

Confitemini Domino quoniam bonus: quoniam in ¹ æternum misericordia ejus.

Confitemini Deo deorum: quoniam in ¹ æternum misericordia ejus.

Confitemini Domino dominorum: quoniam in ¹ æternum misericordia ejus.

Qui fecit mirabilia magna solus: quoniam in ¹ æternum misericordia ejus.

Qui fecit cœlos in ² sapientia: quoniam in ¹ æternum misericordia ejus.

Qui firmavit terram super aquas: quoniam in ¹ æternum misericordia ejus.

Qui fecit luminaria magna: quoniam in ¹ æternum misericordia ejus.

Solem in potestatem diei: quoniam in ¹ æternum misericordia ejus.

Lunam et stellas in potestatem noctis: quoniam in ¹ æternum misericordia ejus.

Qui percussit Ægyptum cum primitivis suis: quoniam in ¹ æternum misericordia ejus.

Et eduxit Israël de medio eorum: quoniam in ¹ æternum misericordia ejus.

In manu valida et in brachio extento: quoniam in ¹ æternum misericordia ejus.

Qui divisit mare Rubrum in divisiones: quoniam in ¹ æternum misericordia ejus.

Et eduxit Israël è medio ejus: quoniam in ¹ æternum misericordia ejus.

Et convolvit Pharaon et exercitum ejus in mari Rubro: quoniam in ¹ æternum misericordia ejus.

Qui perduxit populum suum per desertum: quoniam in ¹ æternum misericordia ejus.

Qui percussit reges magnos: quoniam in ¹ æternum misericordia ejus.

Et occidit reges ³ potentes: quoniam in ¹ æternum misericordia ejus.

Seon regem Amorraeorum: quoniam in ¹ æternum misericordia ejus.

Et Og regem Basan: quoniam in ¹ æternum misericordia ejus.

Et dedit terram eorum hereditatem: quoniam in ¹ æternum misericordia ejus.

Hereditatem Israël servo suo: quoniam in ¹ æternum misericordia ejus.

Quia in humilitate nostra memor fuit nostri: quoniam in ¹ æternum misericordia ejus.

Et eripuit nos de tribulationibus nostris: quoniam in ¹ æternum misericordia ejus.

Qui dat panem omni carni: quoniam in ¹ æternum misericordia ejus.

Confitemini Deo cœli: quoniam in ¹ æternum misericordia ejus.

SALMO CXXXVI.

Super flumina Babylonis ibi sedimus, et flevimus: quum recordaremur Sion.

Super salices in medio ejus: suspendimus citharas nostras.

Quoniam ibi interrogaverunt nos qui captivos duxerunt nos verba ⁵ carminis;

Et qui affligebant nos læti: canite nobis de canticis Sion.

Quomodo cantabimus canticum Domini, in terra aliena?

Si oblitus fuero tui Jerusalem, in oblivione sit dextera mea.

Adhæreat lingua mea gutturi meo, si non recordatus fuero tui:

Si non proposuero Jerusalem, in principio lætitiæ meæ.

Memento Domine filiorum Edom in die Jerusalem, dicentium: ⁶ evacuate, evacuate usque ad fundamentum ejus.

Filia Babylonis vastata: beatus qui retribuet tibi vicissitudinem tuam, quam retribuisti nobis.

Beatus qui tenebit, et allidet parvulos tuos ad petram.

SALMO CXXXVII.

Confitebor tibi Domine in toto corde meo, in conspectu deorum ⁷ cantabo tibi.

Adorabo ⁸ in templo sancto tuo: et confitebor nomini tuo,

Super misericordia tua, et veritate tua: quia magnificasti super omne nomen eloquium tuum.

In die invocabo, et exaudies me: dilatabis animæ meæ fortitudinem.

Confiteantur tibi Domine omnes reges terræ: quoniam audierunt eloquia oris tui.

Et cantent in viis Domini: quoniam magna gloria Domini.

Quoniam excelsus Dominus, et ⁹ humilia

¹ sæculum — ² intellectu — ³ magnificos — ⁴ Et redemit nos de hostibus nostris — ⁵ cantionum — ⁶ effodite, effodite — ⁷ psallam — ⁸ ad templum sanctum tuum — ⁹ et humile videt, et excelsum

respicit : et excelsa de longè cognoscit.
Si ambulavero in medio tribulationis vivificabis me : super furorem inimicorum meorum mittes manum tuam, et salvabit me dextera tua.

SALMO CXXXVIII.

Domine investigasti me, et cognovisti :
Tu cognovisti sessionem meam, et resurrectionem meam : intellexisti malum meum de longè.
Semitam meam et accubationem meam evenitasti : et omnes vias meas intellexisti : quia non est eloquium in lingua mea.
Ecce Domine nosti omnia : retrorsum, et antè formasti me : et posuisti super me² manum tuam.
³Mirabilior est scientia à me, excelsior est, non potero ad eam.
Quò ibo à spiritu tuo, et quò à facie tua fugiam ?
Si ascendero in cœlum, ibi es tu : si jacuero in inferno, ades.
Si sumsero pennas diluculò : habitavero in novissimo maris.
Etiam ibi manus tua deducet me, et tenebit me dextera tua.
Si dixerò, fortè tenebræ operient me : nox quoque lux erit circa me.
Nec tenebræ habent tenebras apud te, et nox quasi dies lucet : similes sunt tenebræ et lux.
Quia tu possedisti renes meos : orsusque es me in utero matris meæ.

SALMO CXXXIX.

Erue me Domine ab homine malo : à viris iniquis serva me.
Qui cogitaverunt malitias in corde : totà die versati sunt in praeliis.
Exacerunt linguam suam quasi serpens : venenum aspidis sub labiis eorum. SEMPER.
Custodi me Domine de manu impii, à viro iniquitatum serva me : qui cogitaverunt supplantare gressus meos.
Absconderunt superbi laqueum mihi, et funibus extenderunt rete : juxta semitam offendiculum posuerunt mihi. SEMPER.
Dixi Domino, Deus meus es tu : ⁸audi Domine vocem deprecationis meæ.

¹ sæculum — ² palmam — ³ Super me est scientia, et excelsior — ⁴ est opertum os meum à te, quo — ⁵ sodales — ⁶ principatus — ⁷ resistebam — ⁸ auribus percipe — ⁹ ignis : dejicies eos in foveas,

Dominus operabitur pro me, Domine misericordia tua in æternum : opera manuum tuarum ne dimittas

Confitebor tibi, quoniam terribiliter magnificasti me : mirabilia opera tua, et anima mea novit nimis.
Non⁴ sunt operta ossa mea à te, quibus factus sum in abscondito : imaginatus sum in novissimis terræ.
Informem adhuc me viderunt oculi tui, et in libro tuo omnes scribentur : dies formati sunt, et non est una in eis.
Mihî autem quàm honorabiles facti sunt amici tui Deus, quàm fortes⁶ pauperes eorum !
Dinumerabo eos, et arenà plures erunt : evigilavi, et adhuc sum tecum.
Si occideris Deus impium : viri sanguinum declinate à me.
Quia contradicent tibi sceleratè : elati sunt frustra adversarii tui.
Nonne odientes te Domine odivi, et contra adversarios tuos⁷ distabui.
Perfecto odio oderam illos : inimici facti sunt mihi.
Scrutare me Deus, et cognosce cer meum : proba me, et scito cogitationes meas.
Et vide si via doli in me est, et deduc me in via æternà.

SALMO CXL.

Domine clamavi ad te, festina mihi : ¹ exaudi vocem meam clamantis ad te.
Dirigatur oratio mea sicut incensum in conspectu tuo : elevatio² manuum mearum sacrificium vespertinum.
Pone Domine custodiam ori meo : serva paupertatem laborum meorum.
Ne declines cor meum in verbum malum. volvere cogitationes impias cum viris operantibus iniquitatem : neque comedere in deliciis eorum.
Corripiat me justus in misericordia, et arguet me, oleum amaritudinis non impinguet caput meum :

Quia adhuc oratio mea pro malitiis eorum : sublata sunt juxta petram iudicorum, et audient verba mea, quoniam decora sunt.
Sicut agricola quum scindit terram : sic dissipata sunt ossa nostra in ore inferni.
Quia ad te Domine Deus oculi mei : in te speravi, ne evacues animam meam.
Custodi me de manibus laquei, quem posuerunt mihi : de offendiculis operantium iniquitatem.
Incident in rete ejus impii : simul autem ego transibo.

SALMO CXLI.

Voce meà ad Dominum clamavi : voce meà ad Dominum deprecatus sum.
Effundam in conspectu ejus eloquium meum : tribulationem meam coram illo annuntiabo.
Quum anxius fuerit in me spiritus meus : tu enim nosti semitam meam in via hac quàm ambulabo, absconderunt laqueum mihi.
Respice ad dexteram, et vide quia non sit qui cognoscat me :
Perit fuga à me, et non est qui quærat animam meam.

Clamavi ad te Domine, dixi : Tu es spes mea, pars mea in terra viventium.
Ausculta deprecationem meam, quoniam infirmatus sum nimis.
Libera me à persecutoribus meis, quoniam confortati sunt super me.
Educa de carcere animam meam, ut confiteatur nomini tuo :
In me coronabuntur justî, quum retribuieris mihi.

SALMO CXLII.

Domine exaudi orationem meam, ³ ausculta deprecationem meam in veritate tua; exaudi me in justitia tua.
Et non venias ad judicandum cum servo tuo : quia non justificabitur in conspectu tuo omnis vivens.
Persecutus est enim inimicus animam meam, confregit in terra vitam meam : ⁴ posuit me in tenebris, quasi mortuos⁵ antiquos.
Et anxius fuit in me spiritus meus : in medio mei sollicitum fuit cor meum.
Recordabar dierum antiquorum, meditabar omnia opera tua : facta manuum tuarum loquebar

Expandi manus meas ad te : anima mea quasi terra sitiens ad te. SEMPER.
⁶ Citò exaudi me Domine, defecit spiritus meus : ne abscondas faciem tuam à me, et comparabor descendentibus in lacum.
Fac me audire manè misericordiam tuam, quoniam in te confido :
Notam fac mihi viam in qua ambulem, quoniam ad te levavi animam meam.
Libera me de inimicis meis Domine : à te protectus sum.
Doce me ut faciam voluntatem tuam, quia tu Deus meus : spiritus tuus bonus deducet me in terram rectam.

¹ auribus percipe — ² palmarum — ³ auribus percipe — ⁴ collocavit me in tenebris — ⁵ sæculi. — ⁶ Festina

^a En esta version de S. Jerónimo, desde el Salmo III hasta este, se halla repetida al fin de algunos versículos la palabra SEMPER, que entre los Hebréos es *Sela*, y entre los Griegos *Diapsalma*. Y sin embargo de que el santo doctor le da varias interpretaciones en su Epístola à Marcela, que comienza : *Quæ accepisti reddenda sunt cum fenore, etc.* puede decirse con S. Juan Crisóstomo, que la palabra SEMPER en el canto de los Salmos denota, que acabada una parte de él, seguía desde allí cantando otro coro, ó segun piensa Jansenio de Gante, era señal de que desde aquel versículo se mudaba ó levantaba en el canto el tono de la voz, conforme à la significacion de la palabra griega *διὰ ψαλμοῦ*.

Propter nomen tuum Domine vivificabis me : in justitia tua educes de angustia animam meam.

Et in misericordia tua dissipabis inimicos meos, et perdes omnes ¹tribulantes animam meam : ego enim sum servus tuus.

SALMO CXLIII.

Benedictus Dominus fortis meus, qui docet manus meas ad praelium : digitos meos ad bellum.

Misericordia mea, et fortitudo mea, auxilium meum, et salvator meus :

Scutum meum, et in ipso speravi : qui subjecit ²populos mihi.

Domine quid est homo, quia cognoscis eum : filius hominis, quia computas eum ?

Homo vanitati assimilatus est : dies ejus quasi umbra pertransiens.

Domine inclina caelos tuos, et descende : tange montes, et fumigabunt.

Mica fulmine, et dissipa eos : mitte sagittam tuam : et ³interfice illos.

Extende manum tuam de excelso : libera me, et erue me de aquis multis : de manu filiorum alienorum.

Quorum os loquutum est vanitatem, et dextera eorum, dextera mendacii.

Deus canticum novum cantabo tibi : in psalterio decachordo psallam tibi.

Qui dat salutem regibus, qui eruit David servum suum de gladio pessimo.

Libera me, et erue me de manu filiorum alienorum ; quorum os loquutum est vanitatem : et dextera eorum, dextera mendacii.

Ut sint filii nostri quasi plantatio crescens in adolescentia sua :

Filiæ nostræ quasi anguli, ornati ad similitudinem templi.

Promptuaria nostra plena, et super effundentia ex hoc in illud :

Pecora nostra in millibus, et innumerabilia in compitis nostris.

⁴Tauri nostri pingues : non est interruptio, et non est egressus : et non est ululatus in plateis nostris.

Beatus populus cujus talia sunt : beatus populus cujus Dominus Deus suus.

SALMO CXLIV.

Exaltabo te Deus meus rex, et benedicam nomini tuo in ⁵æternum et ultra.

In omni die benedicam tibi, et laudabo nomen tuum in ⁶sempiternum jugiter.

Magnus Dominus, et laudabilis nimis : et magnificentiae ejus non est investigatio.

Generatio ad generationem laudabit opera tua, et fortitudines tuas annuntiabunt.

Decorem gloriae magnitudinis tuae, et verba mirabilium tuorum loquar.

Et fortitudinem horribilium tuorum loquentur, et magnitudines tuas narrabunt.

Memoriam multae bonitatis tuae ⁷loquentur ; et justitias tuas laudabunt.

Clemens, et misericors Dominus : ⁸patiens, et multae miserationis.

Bonus Dominus omnibus, et misericordiae ejus in universa opera ejus.

Confiteantur tibi Domine omnia opera tua, et ⁹sancti tui benedicant tibi.

Gloriam regni tui dicent ; et fortitudines tuas loquentur.

Ut ostendant filiis hominum fortitudines ejus, et gloriam decoris regni ejus.

Regnum tuum, regnum omnium saeculorum, et potestas tua in omni generatione et generationem.

Sustentat Dominus omnes corruentes, et erigit omnes ¹⁰jacentes.

Oculi omnium ¹¹in te sperant, et tu das eis escam suam in tempore ¹²suo.

Aperis manus tuas, et ¹³implet omne animal refectione.

Justus Dominus in omnibus viis suis, et ¹⁴sanctus in omnibus operibus suis.

Juxta est Dominus omnibus qui invocant eum : omnibus qui invocant illum in veritate.

Placitum timentium se faciet, et ¹⁵clamorem eorum exaudiet, et salvabit eos.

Custodit Dominus omnes diligentes se, et universos impios ¹⁶conteret.

Laudem Domini loquetur os meum, et benedicet omnis caro nomini sancto ejus in ¹⁷æternum, et jugiter.

¹ ligantes — ² populum sub me — ³ conturbabis — ⁴ Duces nostri portantes — ⁵ saeculum — ⁶ saeculum et ultra. — ⁷ eructabunt — ⁸ tardus ad furorem, et magnae misericordiae. — ⁹ misericors — ¹⁰ incurvatos — ¹¹ ad — ¹² eorum — ¹³ satias omnem virum placite — ¹⁴ misericors — ¹⁵ deprecationem — ¹⁶ disperdet. — ¹⁷ saeculum, et ultra.

SALMO CXLV.

Lauda anima mea Dominum : laudabo Dominum in vita mea : ¹cantabo Deo meo quamdiu sum.

Nolite confidere in principibus : in filio hominis cui non est salus.

Egredietur spiritus ejus, et revertetur in humum suam : in die illa peribunt cogitationes ejus.

Beatus cujus Deus Jacob auxiliator ejus : spes ejus in Domino Deo suo.

Qui fecit caelos et terram : mare, et omnia quae in eis sunt : et custodit veritatem in ²sempiternum.

Qui facit judicium calumniam sustinentibus, et dat panem esurientibus.

Dominus solvit vinctos : Dominus illuminat caecos.

Dominus erigit ³allisos : Dominus diligit justos.

Dominus custodit advenas, pupillum et viduam suscipiet : et viam impiorum ⁴conteret.

Regnabit Dominus in ⁵æternum, Deus tuus Sion in generationem, et generationem. Alleluia.

SALMO CXLVI.

⁶Laudate Dominum, quoniam bonum est canticum Dei nostri : quoniam decorum est, pulchra laudatio.

⁷Edificabit Jerusalem Dominus : ejectionem Israel ⁸congregabit.

Qui sanat contritos corde, et alligat ⁹plagas eorum.

Qui numerat multitudinem stellarum, et omnes nomine suo vocat.

Magnus ¹⁰Dominus noster, et multus fortitudine : et prudentiae ejus non est numerus.

Susiciens mansuetos Dominus : humilians impios usque ad terram.

Canite Domino in confessione : ¹¹canite Deo nostro in cithara.

Qui operit caelos nubibus, et praebet terrae pluviam, et oriri facit in montibus germen.

Qui dat jumentis panem suum : filiis corvi clamantibus.

Non est in fortitudine equi voluntas ejus : neque in tibiis viri placetur ei.

Placetur Domino in his qui timent eum, et expectant misericordiam ejus.

SALMO CXLVII.

Lauda Jerusalem Dominum : cane Deum tuum Sion.

Quia confortavit vectes portarum tuarum : benedixit filiis tuis in medio tui.

Qui posuit terminum tuum pacem : adipe frumenti saturavit te.

Qui emittit eloquium suum terrae : velociter currit verbum ejus.

Qui dat nivem quasi lanam : pruina quasi cinerem spargit.

Projicit glaciem suam quasi buccellas : ante faciem frigoris ejus quis stabit ?

Mittet verbum suum, et solvet illa : spirabit spiritu suo, et fluent aquae.

Qui annuntiat verbum suum Jacob : praecipua sua, et judicia sua Israel.

Non fecit similiter omni genti, et judicia ejus non cognoscent. Alleluia.

SALMO CXLVIII.

Laudate Dominum de caelis : laudate eum in excelsis.

Laudate eum omnes Angeli ejus : laudate eum omnes exercitus ejus.

Laudate eum sol et luna : laudate eum omnes stellae luminis.

Laudate eum caeli caelorum, et aqua quae super caelos sunt.

Laudent nomen Domini : quoniam ipse ¹²mandavit et creata sunt.

Statuit ea in ¹³saeculum, et in aeternum : praecipuum dedit, et non praeteribit.

Laudate Dominum de terra : dracones et omnes abyssi.

Ignis, et grando, nix, et glacies : ventus, turbo, quae faciunt sermonem ejus.

¹ psallam — ² saeculum. — ³ incurvatos — ⁴ pervertet. — ⁵ saeculum, — ⁶ psallite — ⁷ Edificans — ⁸ congregans — ⁹ dolores — ¹⁰ dominator — ¹¹ psallite — ¹² praecipit — ¹³ aeternum saeculi,